

Aen Seiqgyaiq Saekraiz Ciengxlwenx



永远的彩色世界

□ Danz Hijvah / 蓮喜花



Yienznaeuz ndawsim doiq ngoenzcogoux rim saenqsim caeuq maqmuengh, hoeng saedcej lij dwg gvaq ndaej baenzneix gunnanz, Huz Ging caeuq Sung Naz songde youq ndaw lumhlax hag rox vih Siujmungz daenj buh、dajcaemx caeuq cawj gijgwn bwnq de gwn……

Siujmungz okseng seiz ndangdaej miz di nyieg, ciengz mbouj dwg fatndat couh dwg baenz ae. Moix baez Siujmungz baenzneix seiz, Huz Ging doq aemq Siujmungz, caeuq Sung Naz itloh lumhlax bae yihiyen ceiq gyawj. Gyoengqde ceiq lau gij bingh Siujmungz mbouj ndaej gibseiz bae yihiyen hawj cangyw yw, Siujmungz dwg diuz saeu aen ranz neix, danghnaeuz de miz maz loeklak, gyoengqde hix mbouj rox baenzlawz lix roengzbae lo.

Hawj canghyw yawj bingh le, ciepdwk bwnq yw hawj Siujmungz dwg aen vwndiz. Canghyw hai yw seiz, songde gouz canghyw lai sai rengz sij fapgwn youq rog habyw, canghyw baez gangj cungj yw seizlawz gwn caemhcaiq gwn geijlai, songde couh bae lumh gij yiengh habyw、gij saw canghyw sij, sijsaeq fanfuk lumhlax haujlai baez, nyinhcaen geiq youq ndawsim, baenzneix hawj Siujmungz bwnq yw seiz couh mbouj yungzheih loek lo.

Saedcej ngoenz doek ngoenz gvaqbae, Siujmungz youq aen ranz daegbied neix menhmenh majhung lo. Cungj naeuz lwnyez bouxgunz danggya caeux, Siujmungz ngamq ndaej 2 bi seiz, moix baez vnz daengx ranz okdou, Siujmungz cungj youq cungqgyang, yien fwngz bohmeih vih

gyoengqde daiqluh, guh gij “lwgda” bohmeih.

Ciuhvunz youq aen seiqgyaiq laepngaungau neix, Huz Ging caeuq Sung Naz ndawsim roxnyinh geijlai doeknaiq, Siujmungz couh dwg aen daeng rongh baihnaj gyoengqde, dwg aen maqmuengh gyaundeih ngoenzcog gyoengqde, daeglwg neix hawj song gvanbaz vuenyungz caeuq saenqsim.

Siujmungz ngoenz beij ngoenz majhung, Huz Ging caeuq Sung Naz menhmenh soeng le gaemz heiq ndeu, gyoengqde aeu gij cienz geij bi neix dajgoeng ndaej hai aen diemq dafangz amoz ndeu. Cungj gangj fanh saeh hainduj nanz, hai diemq geij ngoenz lo, mbouj miz geijlai vnz daej, aen diemq neix cengqgengz hai ndaej buenq bi lai, dauqdaej hawj mbouj hwnj ngaenzco, doeklaeng cijndei haep dou lo.

Hai diemq neix loem hawj Huz Ging bienq ndaej yied daej yied simnyap, mbouj dan mbouj gyaenz gangj vah, caemhcaiq lij ciengzciengz nyaenx mbouj ndaej doiq song mehlwg fat beizheiq. Rox swheiq mbouj deng, doeklaeng Huz Ging sikhaek youh coh song mehlwg nyinhloek.

Raen bouxgvan baenzneix, Sung Naz gig sim’ in, de mbouj miz saek coenz vah’ ienq, lij lumj gaxgonq nei saeqsim goq song bohlwg gwndaenj. Huz Ging luenh fat beizheiq, Sung Naz hix mbouj caeuq de doxceng maz, saedcej couh baenzneix gvaq le buenq bi.

Miz ngoenz ndeu, Huz Ging dingqny i aen yienh laenzgaenh miz haujlai boux dafangz guh amoz byaij

gai ndonj gyok daengz ndaw ranz fuzvu. De naemj le youh naemj, de hix siengj baenzneix guh, Sung Naz rox gij siengjap de doq ngaekgyaeuj haenh ndei.

Baenzneix Huz Ging youh angq-fwngfwng dai goek hainduj lo, baez-neix de cungjsuenq byaij ok gij yingyangj baezgonq hai diemq loem, ndawsim youh coux rim maqmuengh caeuq saenqsim.

Haetromh Huz Ging gaem aen lingzngauz he doq ngauz doq heuh gai doek gai menh byaij, naetnaiq le couh youq henz gai roxnaeuz youq laj raemhfaex yietnaiq, saek yaep youh laebdaeb coh naj byaij bae.

Vihliux lai guh di seng’ eiq, Huz Ging ngoenzngoenz daengz gyang-hwnz 12 diemj cung yienghneix cij maranz, mboujlwnh doek fwn roxnaeuz ok rumz, daegbied baez naemj daengz song mehlwg, de caiq baeg hix roxnyinh swheiq youh mizrengz guh lo.

Dinglingz daegnuengx Sung Naz caeuq nuengxbawx hix youq yienhsingz guh di seng’ eiq iq, ndigah ndaw ranz mbouj miz maz saeh seiz, Sung Naz couh heuh gyoengqde bang yawj Siujmungz, swheiq hix riengz Huz Ging caez okbae byaij gai haiej ranz guh amoz.

Yienznaeuz baenzneix guh gig dwgrengz, gij ngaenz ndaej hix ngamq gaeuq daengx ranz sam boux vnz gwndaenj. Hoeng, song gvanbaz lij dwg guh ndaej bi lai. Hoeng, baenzneix bae amoz deng ndit dak ngaiz fwn rwed, doeklaeng Huz Ging coh cwngfuj ciq ndaej 5000 maenz gihginh cauhnieb, youh siengj hai aen

diemq amoz moq. Huz Ging lau hai diemq youh deng loem, Sung Naz gujli de, hawj de cuengqsim mbeilaux bae guh.

Huz Ging caeuq Sung Naz ngoenzngoenz simhoengz ciepx coux bouxhek, nyinhcaen saeqsim hawj bouxhek amoz, gizgiz cungj guh ndaej hawj bouxhek rim hoz rim eiq, bouxhek boux cienz boux, gyoengqde yied daej yied lai, seng’ eiq yied guh yied hoenghwd hwnjdaej.

Menhmenh rom ndaej ngaenz le, gyoengqde youq yienhsingz cawx ranz, daengx ranz sam boux ndawsim hailangh, saedcej ngoenz beij ngoenz ndei.

Souj go gou youq hainduj dwen daengzlaeng baenzneix ciengq:

Mwngz dwg lwgda gou, daiq gou bae yawj seiqgeiq doxvuenh.

Mwngz dwg lwgda gou, daiq gou ndonj gvaq vnzlangh ndaetfwd.

Mwngz dwg lwgda gou, daiq gou yawj gij saw youq ndaw sawhaij gvangqlangh.

Mwngz dwg lwgda gou, hawj gou yawjraen aen seiqgyaiq neix couh youq baihnaj……

Danghnaeuz souj go neix hainduj dwg ciengq hawj Huz Ging caeuq Sung Naz dingq, baenzneix doeklaeng couh dwg song gvanbaz neix ciengq hawj daeglwg Siujmungz dingq lo.

Vnz lix youq gwnzbiengz, gij saeh mbouj swnhsim cib gienh miz bet gouj gienh. Hoeng, cijaeu ndawsim coux rim saenqsim caeuq maqmuengh, roengzrengz bae guh hong, ndwenngoenz mbouj rox gvaq mbouj roengzbae. (sat)

·gojsaeh iq·

Yiengz Ak

猛 羊

□ Hoz Cunghliuj / 何宗柳

Youq gwnz diegnywj gvangqlangh, miz aen rienghyiengz ndeu, ndawde ciengx miz duzyiengz baenz cien baenz fanh, duzduz youh biz youh cangq.

Miz ngoenz he, banringzgvaq sawqmwh miz duz manaez yak he laeglemx ndonj haiej riengh yiengz bae. Haep ndaej gyoengq duzyiengz cungj swenj “me me” caemhcaiq luenh buet hwnjdaej. Duz manaez neix cingq naemj coemj duz yiengz lawz daej gwn ceiq feih.

Sawqmwh miz duz yiengzlwz ndeu sikhaek coh manaez daemj gvaqbae. Duz yiengzlwz neix caen geizheih! Duz manaez neix baez raen duzyiengz mbouj lau de, gangjnaeuz

lijdwg duz yiengzlwz dem. Duz manaez neix lwgda daengx hung saeqsim cim duz yiengzlwz neix, raen duz yiengzlwz neix caeuq yiengz wng mbouj miz maz mbouj doxdoengz caemhcaiq youh biz youh oiq, baenzneix de fwd cung gvaqbae ajbak couh yaek haeb hoz duz yiengzlwz neix. Byawz rox, “au” sing heuh ndeu, duz manaez yak neix rouxringx youq laj namh doq dai bae lo.

Yenzlaiz neix dwg duz yiengz gihgi ndeu, caeuq yiengz caen doxlumj caez, dwg bouxcawj rienghyiengz cawx dauq cienmonz doiqfouq manaez, danghnaeuz miz manaez cung hwnjbae haeb de couh deng den dai.



Gorongz gocuk gyang dah dem gingj gyaue.

Dozsw